

977

Na osnovu člana 106. stav (5) Zakona o visokom obrazovanju - prečišćeni tekst („Službene novine Tuzlanskog kantona“, br: 21/21, 22/21, 5/22 i 11/22), ministar obrazovanja i nauke Tuzlanskog kantona donosi

ODLUKU

o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona

Član 1.**(Predmet)**

Ovom odlukom utvrđuju se uslovi, kriteriji i postupak za dodjelu stipendija redovnim studentima sa invaliditetom (u daljem tekstu: kandidat), koji studiraju na prvom ili integrisanom prvom i drugom ciklusu studija na javnoj visokoškolskoj ustanovi sa sjedištem na području Tuzlanskog kantona (u daljem tekstu: Univerzitet).

Član 2.**(Finansijska sredstva)**

(1) Sredstva za dodjelu stipendija osiguravaju se u Budžetu Tuzlanskog kantona.

(2) Dodjela stipendija, u tekućoj akademskoj godini, vrši se pod uslovom da su u Budžetu planirana i obezbijedena sredstva za predmetnu namjenu.

(3) Stipendija može biti dodijeljena jednokratno ili u više mjesečnih rata, zavisno od planiranih i raspoloživih sredstava u Budžetu, što se bliže određuje ugovorom iz člana 12. ove odluke.

Član 3.**(Visina stipendije)**

Ukupna visina stipendije po jednom kandidatu, ukupan broj stipendija, i način isplate stipendije utvrdit će se posebnom odlukom ministra obrazovanja i nauke Tuzlanskog kantona (u daljem tekstu: ministar), shodno raspoloživim sredstvima u Budžetu Tuzlanskog kantona.

Član 4.**(Uslovi za dodjelu stipendije)**

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan student prvog ili integrisanog prvog i drugog ciklusa studija na Univerzitetu,
- c) da nije korisnik stipendije iz Budžeta Tuzlanskog kantona po nekom drugom osnovu.

Član 5.**(Kriteriji za dodjelu stipendija)**

Rangiranje kandidata za dodjelu stipendije vrši se na osnovu sljedećih kriterija:

- a) visina prosjeka ocjena ostvarena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje,
- b) stepen invalidnosti.

Član 6.**(Bodovanje po osnovu uspjeha ostvarenog u predhodnoj godini studija)**

Po osnovu uspjeha ostvarenog u prethodnoj godini studija, odnosno prethodnoj godini redovnog školovanja za studente prve godine studija, kandidatu pripadaju bodovi kako slijedi:

- a) prosjek ocjena 10,00.....10 bodova
- b) prosjek ocjena 9,00 - 9,99.....9 bodova
- c) prosjek ocjena 8,00 - 8,99.....8 bodova
- d) prosjek ocjena 7,00 - 7,99.....7 bodova

- e) prosjek ocjena 6,00 - 6,99.....6 bodova
- f) prosjek ocjena 4,50 - 5,00.....5 bodova
- g) prosjek ocjena 3,50 - 4,494 boda
- h) prosjek ocjena 2,50 - 3,49.....3 boda

Član 7.**(Bodovanje po osnovu stepena invalidnosti)**

Po osnovu stepena invalidnosti kandidatu pripadaju sljedeći bodovi:

- a) stepen invalidnosti od 90 do 100%.....10 bodova
- b) stepen invalidnosti od 70 do 90%.....8 bodova
- c) stepen invalidnosti od 50 do 70%.....6 bodova
- d) stepen invalidnosti od 30 do 50%.....4 boda
- e) stepen invalidnosti od 10 do 30%.....2 boda

Član 8.**(Donošenje odluke i raspisivanje konkursa)**

(1) Odluku o raspisivanju konkursa za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona, donosi Ministarstvo obrazovanja i nauke Tuzlanskog kantona (u daljem tekstu: Ministarstvo).

(2) Konkurs se objavljuje na internet stranici Vlade Tuzlanskog kantona (u daljem tekstu: Vlada) i Ministarstva, a uporedo sa objavljivanjem konkursa Ministarstvo o objavljenom konkursu, u pisanoj formi, obavještava Univerzitet, koji je tu obavijest obavezan postaviti na oglasnoj ploči Univerziteta.

(3) Prijava na konkurs, sa potrebnom dokumentacijom, podnosi se Ministarstvu, u roku od petnaest dana od dana objavljivanja konkursa na internet stranici Ministarstva.

(4) Tekst konkursa obavezno sadrži:

- a) pravni osnov za raspisivanje konkursa,
- b) rok za podnošenje prijave po konkursu,
- c) iznos stipendije koji se dodjeljuje,
- d) uslove i kriterije za dodjelu stipendije,
- e) spisak potrebne dokumentacije koja se prilaže uz prijavu,
- f) druge elemente značajne za provođenje konkursa.

Član 9.**(Prijava na konkurs)**

(1) Uz prijavu na konkurs koja je sastavni dio ove odluke (prilog I), kandidat dostavlja sljedeću dokumentaciju (u originalu ili ovjerenjima kopiji):

- a) uvjerenje o državljanstvu,
- b) uvjerenje da je redovan student na Univerzitetu,
- c) uvjerenje o ostvarenom prosjeku ocjena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje,
- d) dokaz izdat od strane nadležnog organa o utvrđenom stepenu invalidnosti,
- e) ovjerenju izjavu da nije korisnik stipendije iz Budžeta Tuzlanskog kantona po drugom osnovu,
- f) drugu dokumentaciju određenu tekstem konkursa.

(2) Prijave koje nisu sačinjene na obrascu iz stava (1) ovog člana, neće se uzimati u razmatranje, što će posebno biti naznačeno u tekstu konkursa.

Član 10.**(Imenovanje i sastav Komisije)**

(1) Konkursnu proceduru provodi komisija koju čine najmanje tri člana predstavnika Ministarstva, koju imenuje ministar.

(2) Komisija radi na sjednicama i za svoj rad odgovara ministru.

(3) Članovi komisije ne mogu biti lica čiji članovi porodičnog domaćinstva učestvuju u postupku za dodjelu stipendije.

(4) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od osnova, ukupan broj bodova po kriterijima za dodjelu stipendije i najkasnije u roku od 15 dana od dana zatvaranja konkursne procedure sačiniti prijedlog rang liste kandidata za dodjelu stipendija i listu kandidata čiji su zahtjevi nekompletni i neblagovremeni, i iste objaviti na internet stranici Vlade Tuzlanskog kantona i internet stranici Ministarstva.

(5) Prijedlog rang liste obavezno sadrži:

- a) prezime, ime jednog roditelja, ime podnosioca zahtjeva,
- b) broj bodova po svakom od utvrđenih kriterija,
- c) ukupan broj bodova po svim kriterijima i
- d) pouku o pravnom lijeku sa tačno naznačenim rokom do kada se može izjaviti prigovor.

(6) Neblagovremene i nepotpune prijave komisija neće uzimati u razmatranje, a prijavljeni kandidati o razlozima nepostupanja po zaprimljenim prijavama obavještavaju se isticanjem posebne liste.

Član 11.

(Postupak po prigovoru i donošenje konačne rang liste)

(1) Nezadovoljni kandidati mogu podnijeti prigovor na prijedlog rang liste i liste u roku od osam dana od dana isticanja listi na internet stranici Ministarstva.

(2) O prigovorima iz stava (1) ovog člana odlučuje ministar u roku od 15 dana od dana isticanja roka za podnošenje prigovora.

(3) Konačnu rang listu za dodjelu stipendija utvrđuje ministar.

Član 12.

(Ugovor)

(1) Na osnovu konačne rang liste ministar sa kandidatom zaključuje ugovor kojim se uređuju međusobna prava i obaveze.

(2) Ugovor iz stava (1) ovog člana zaključuje se najkasnije u roku od 30 dana od dana isticanja konačne rang liste dobitnika stipendije na internet stranici Ministarstva.

(3) Kandidat koji u ostavljenom roku ne potpiše ugovor smatrat će se da je odustao od stipendije, izuzev ako kandidat iz opravdanih razloga nije u mogućnosti potpisati ugovor u ostavljenom roku, o čemu je obavezan dostaviti dokaz na osnovu koga će mu se utvrditi novi termin za potpisivanje ugovora.

(4) Stipendije su nepovratne pod uslovom da kandidat kao potpisnik ugovora redovno ispunjava svoje ugovorene obaveze.

Član 13.

(Isplata stipendija)

(1) Isplata stipendije vrši se prijenosom sredstava na transakcijski račun korisnika iste, nakon zaključivanja ugovora iz člana 12. ove odluke.

(2) Prije zaključivanja ugovora iz stava (1) ovog člana ministar donosi odluku kojom utvrđuje listu dobitnika stipendija, a koja pored općih podataka o dobitnicima stipendija (ime i prezime, naziv visokoškolske ustanove i fakulteta, godina studija) sadrži i sljedeće podatke:

- a) pojedinačan iznos stipendije,
- b) način uplate dodijeljenih stipendija,
- c) budžetsku poziciju sa koje se sredstva odobravaju, te
- d) eventualno druge relevantne podatke.

Član 14.

(Gubitak prava na isplatu stipendije)

(1) Korisnik gubi pravo na isplatu stipendije, a isplaćenu stipendiju dužan je vratiti u cjelosti ili odgovarajućem iznosu, u zavisnosti od okolnosti koje su dovele do gubitka stipendije, što će se posebno regulisati odredbama ugovora, ukoliko nastupe sljedeće okolnosti:

- a) ako mu bude izrečena disciplinska mjera isključenja sa Univerziteta,

b) ako mu po nekom osnovu prestane status redovnog studenta na Univerzitetu,

c) ako se naknadno utvrdi da je prilikom prijave na konkurs iznio lažne činjenice ili upotrijebio lažne dokaze.

(2) Korisnik stipendije dužan je prijaviti svaku promjenu koja je od uticaja na korištenje dodijeljene stipendije, u roku od 15 dana od dana nastupanja iste.

Član 15.

(Stupanje na snagu)

Ova odluka stupa na snagu danom donošenja, i bit će objavljena u „Službenim novinama Tuzlanskog kantona“.

BOSNA I HERCEGOVINA
-Federacija Bosne i Hercegovine-
TUZLANSKI KANTON
Ministarstvo obrazovanja i nauke

MINISTAR

dr.sci. Ahmed Omerović, v.r.

Broj: 10/1-11-019785/22
Tuzla, 31.08.2022. godine



PRILOG I

PRIJAVNI OBRAZAC

za Konkurs za dodjelu stipendija redovnim studentima sa invaliditetom, koji studiraju na prvom ili integrisanom prvom i drugom ciklusu studija na javnoj visokoškolskoj ustanovi sa sjedištem na području Tuzlanskog kantona, u akademskoj 20__/20__ . godini

Kao student ___godine prvog/integrisanog prvog i drugog ciklusa studija na _____ (naziv visokoškolske ustanove/fakulteta) prijavljujem se na Konkurs za dodjelu stipendija redovnim studentima sa invaliditetom na javnoj visokoškolskoj ustanovi sa sjedištem na području Tuzlanskog kantona, u akademskoj 20__/20__ . godini, koji je objavljen na internet stranici Ministarstva obrazovanja i nauke Tuzlanskog kantona dana __. __.20__ . godine.

Pažljivo pročitati obrazac u daljem dijelu teksta i čitko popuniti velikim slovima!

Lični podaci:	
Ime (ime jednog roditelja) prezime	
Mjesto i datum rođenja	
Državljanstvo	
Adresa stanovanja (mjesto, broj, općina/grad)	
Kontakt: telefon, e-mail	
Broj transakcijskog računa kandidata	
Broj partije-transakcijskog računa	
Naziv banke-filijale u kojoj je otvoren transakcijski račun i adresa	
<p>Uz prijavni obrazac dostavljam sljedeću dokumentaciju:</p> <p>_____</p> <p>_____</p> <p>_____</p> <p>_____</p> <p>_____</p>	

Napomena:

1. Podnosilac prijave odgovara za vjerodostojnost svih unesenih podataka.
2. Uvid u Vaše lične podatke mogu imati samo osobe koje su uključene u proces provođenja konkursne procedure.

(potpis podnosioca prijave)

1. Svojeručnim potpisom i ovom izjavom potvrđujem pod materijalnom i krivičnom odgovornošću da su gore navedeni podaci istiniti.

2. Svojeručnim potpisom potvrđujem i dajem pisanu saglasnost za korištenje mojih ličnih podataka kroz cjelokupan postupak po Konkursu za dodjelu stipendija redovnim studentima sa invaliditetom, koji studiraju na prvom ili integrisanom prvom i drugom ciklusu studija na javnoj visokoškolskoj ustanovi sa sjedištem na području Tuzlanskog kantona, u akademskoj 20__/20__ . godini, u skladu sa Zakonom o zaštiti ličnih podataka BiH.

Mjesto: _____

Datum: _____

(potpis podnosioca prijave)

Na osnovu člana 106. stav (5). Zakona o visokom obrazovanju – prečišćeni tekst (“Službene novine Tuzlanskog kantona” broj: 21/21, 22/21, 5/22 i 11/22), ministar obrazovanja i nauke Tuzlanskog kantona donosi

O D L U K U

o izmjenama i dopunama Odluke o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona

Član 1.

U Odluci o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona („Službene novine Tuzlanskog kantona“, broj: 17/22) u članu 4. iza tačke c) dodaje se nova tačka d) i glasi:

„d) da ima status lica sa invaliditetom.“

Član 2.

Član 6. mijenja se i glasi:

„Član 6.

(Bodovanje po osnovu uspjeha ostvarenog u prethodnoj godini studija/redovnog školovanja)

(1) Po osnovu uspjeha ostvarenog u prethodnoj godini studija, kandidatu pripadaju bodovi kako slijedi:

a) prosjek ocjena 10.....	10 bodova
b) prosjek ocjena 9,50 - 9,99.....	9 bodova
c) prosjek ocjena 9,00 - 9,49.....	8 bodova
d) prosjek ocjena 8,50 - 8,99.....	7 bodova
e) prosjek ocjena 8,00 - 8,49.....	6 bodova
f) prosjek ocjena 7,50 - 7,99.....	5 bodova
g) prosjek ocjena 7,00 - 7,49.....	4 boda
h) prosjek ocjena 6,50 - 6,99.....	3 boda
i) prosjek ocjena 6,00 - 6,49.....	2 boda.

(2) Po osnovu uspjeha ostvarenog u prethodnoj godini redovnog školovanja za studente prve godine studija, kandidatu pripadaju bodovi kako slijedi:

a) odličan uspjeh – prosjek 5,00.....	10 bodova
b) odličan uspjeh – prosjek 4,50 do 4,49.....	9 bodova
c) vrlo dobar uspjeh – prosjek 4,00 do 4,49.....	7 bodova
d) vrlo dobar uspjeh – prosjek 3,50 do 3,99.....	6 bodova

- e) dobar uspjeh – prosjek 3,00 do 3,49..... 4 boda
- f) dobar uspjeh – prosjek 2,50 do 2,99.....3 boda
- g) dovoljan uspjeh – prosjek 2,00 do 2,491 bod.“.

Član 3.

Član 7. mijenja se i glasi:

„Član 7. (Bodovanje po osnovu stepena invalidnosti)

Po osnovu stepena invalidnosti kandidatu pripadaju sljedeći bodovi:

- a) stepen invalidnosti od 90 do 100%.....10 bodova
- b) stepen invalidnosti od 80 do 90%..... 9 bodova
- c) stepen invalidnosti od 70 do 80%..... 8 bodova
- d) stepen invalidnosti od 60 do 70 %.....7 bodova
- e) stepen invalidnosti od 50 do 60 %.....6 bodova
- f) stepen invalidnosti od 40 do 50 %.....5 bodova
- g) stepen invalidnosti od 30 do 40 %.....4 boda
- h) stepen invalidnosti od 20 do 30 %.....3 boda
- i) stepen invalidnosti od 10 do 20 %.....2 boda.“.

Član 4.

Iza člana 7. dodaje se novi član 7a. i glasi:

„Član 7a. (Prednost pri jednakom broju bodova)

Ukoliko na rang listi dva ili više kandidata ostvare isti broj bodova, prednost na rang listi, odnosno prednost pri dodjeli stipendije, ostavrit će kandidat koji pohađa višu godinu studija.“.

Član 5.

Ova odluka stupa na snagu danom donošenja, a bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanje i nauke
Broj: 10/1-11-19785-2/22
Tuzla, 11.11.2022. godine

MINISTAR
Dr.sci. Ahmed Omerović, v.r.